

Ilinniarnertuunngorniarnermiit ingerlariaqqiffiusumik ilinniarnermut ingerlaqqinnerit, 2020-mi ilinniarnertuunngortut


Ukiut marluk ingerlanerini ingerlariaqqiffiusumik ilinniarnermik aallartitsisimasut ikinnerusut

Ilinniarnertuunngorniarneq ingerlariaqqiffiusumik ilinniakkanut ingerlaqqinnissamut pingaarnertut piareersarfiuvoq, soorlu ingerlariaqqiffiusumik ilinniakkanut naatsunut -, bachelorinngorniarnernut -, professionsbachelorinngorniarnernut kiisalu kandidatinnngorniarnernut. Kisitsisini paasissutissani matumani ilinniarnertuunngorniarnermi ukiunik pingasunik sivisussuseqartumi nalunaarsuutit kisimik suliarineqartut.

Ilinniartut 2020-mi ilinniarnertuunngorniarnermik naammassinnissimasut 43 pct.-ii ukiut marluk ingerlanerini ingerlariaqqiffiusumik ilinniarnermik aallartitsisimapput. Tamanna ukiup siuliani naammassinnissimasunut naleqqiullugu allannguuteqarsimanani. Ukiulli tulleriinni 2008-2015 akornanni annertussusaat appariartorsimavoq, 2015-2018-mi qaffariarsimalluni, 2008-2020-llu iluani ilinniarnertuunngorsimasunut naleqqiullugit 32 pct. point-inik appariarsimallutik, tassani ilinniartut ukiut marluk ingerlanerini ingerlariaqqiffiusumik ilinniarnermik aallartitsisimasut 75 pct.-iummata.

2020-mi ilinniarnertuunngorsimasut 15 pct.-ii inuussutissarsiornermi ilinniakkanut ingerlaqqissimapput. Ataatsimullu isigalugu 2008-miit 2020-mut ilinniarnertuunngorsimasut ukiut marluk ingerlanerini ingerlariaqqiffiusumik imaluunniit inuussutissarsiornermi ilinniarnermik aallartitsisimasut 80 pct.-iniit 58 pct.-imut appariarsimapput.


Titartagaq 1: Ilinniarnertuut ukiut marluk ingerlanerini ingerlariaqqiffiusumik imaluunniit inuussutissarsiornermi ilinniakkamik aallartitsisimasut annertussusaat, 2004-miit 2020-mut



Nalunaarut: Ilinniarnertuunngorniarneq ukiunik pingasunik sivilissuseqartoq kisimi pineqarpoq. Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<https://bank.stat.gl/UDNTRGU1>).

Ingerlariaqqiffiusumik ilinniakkani aallartitsisartut annertussusiisa appariarnerat ilinniarnertuunngortut amerlassusaannut naleqqiullugu naatsorsorneqassaaq. Piffissami 2015-miit 2020-mut ilinniarnertuunngorniarnermik ukiunik pingasunik sivilissuseqartumik naammassinnissimasut amerlassusaat 9 pct.-inik apparsimapput, ingerlariaqqiffiusumilli ilinniarnermik aallartitsisimasut piffissami pineqartumi aallartitsisimasut 4 pct.-inik qaffassimallutik.

Titartagaq 2: Ilinniarnertuut amerlassusaat, 2004-miit 2020-mut




Nalunaarut: Ilinniarnertuunngorniarneq ukiunik pingasunik sivilissuseqartoq kisimi pineqarpoq. Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<https://bank.stat.gl/UDNTRGU1>).

Suiaassutsit malillugit ingerlaqqittarnerit annertussusaat

Ilinniarnertuunngorniarnermiit ingerlariaqqiffiusumik ilinniarnermut ingerlaqqinnerit, 2020-mi ilinniarnertuunngortut- qupp. 2

Arnat angutinit amerlanerusut ilinniarnertuunngorniarnermik aallartitsisarput, naammassinnittarlutillu. Nalinginnaasumillu aamma arnat amerlanersaat ingerlariaqqiffiusumik ilinniarnermik aallartitsisarput. Ukiunili kingullerni tamanna allanngorsimavoq, 2017-imimi ilinniarnertuunngorsimasuni ingerlariaqqiffiusumillu ilinniarnermik aallartitsisimasuni angutit amerlassusaat annertunerulaarmata. 2018-imiit 2020-mut ilinniarnertuunngorsimasut akornanni ingerlaqqiffiusumik ilinnialersimasut arnat amerlanerupput.

Titartagaq 3: Ilinniarnertuut ukiut marluk ingerlanerini ingerlariaqqiffiusumik ilinniarnermik aallartitsisimasut suaassusaat malillugu, 2004-miit 2020-mut




Nalunaarut: Ilinniarnertuunngorniarneq ukiunik pingasunik sivisussuseqartoq kisimi pineqarpoq. Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<https://bank.stat.gl/UDNTRGU2>).

Ilinniarnertuunngorniarnermik

Ilinniarnertuut qanoq amerlatigisut ingerlariaqqiffiusumik ilinniakkanut ingerlaqqittartut ilinniarnertuutut naammassiffigisimasaat malillugit assigiinngitsorujussuupput. 2020-mi ilinniarnertuunngorsimasut akornanni GUX Qaortoq-mi naammassinnissimasut ukiullu marluk ingerlanerini ingerlariaqqiffiusumik ilinniarnermik aallartitsisimasut 51 pct.-iupput, GUX Sisimiunilu 29 pct.-iulluni. Atuarfiilli isigissagaanni ilinniarnertuunngortut ikippit, ukiumi naammassiffiusumi ilinniarnertuunngortoq 1-2 pct.-inik annertussuseqarmat. Taamaattumik piffissap ingerlanerani ilinniakkanut ingerlaqqittartut annertuumik allanngorsinnaapput.

Titartagaq 4: Ilinniarnertuut ukiut marluk ingerlanerini ingerlariaqqiffiusumik ilinniarnermik aallartitsisimasut amerlassusaat ilinniarnertuunngorfik malillugu, 2015-miit 2020-mut



Nalunaarut: Ilinniarnertuunngorniarneq ukiunik pingasunik sivisussuseqartoq kisimi pineqarpoq.

Nalunaarut: Ilinniarnertuunngortut ikittuinnaanerit peqqutaalluni ilinniartoq ataaseq 1-2 pct.-inut naatsorsorneqarpoq.

Taamaattumik piffissani ilinniarnertut ingerlaqqiffiusuni amerlassutsit ilaasa allanngorarnert ilinniarnertuunngortut ikittuinnaanerannik tunngaveqarsinnaavoq.

Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<https://bank.stat.gl/UDNTRGU1>).

Eqikkaaneq

Tabel 1: Ilinniarnertuunngoreernermi ukiut marluk ingerlanerini ingerlariaqqiffiusumik ilinniakkanut ingerlaqqittut, ilinniakkap killiffia malillugu; 2020-mi ilinniarnertuunngortut

	Ingerlat- sisut	Naam- mas- sinnissi- masut	Unit- sitsisut	Aallar- titsin- ngitsut	Katillugit	Ingerlat- sisut	Naam- mas- sinnissi- masut	Unit- sitsisut	Aallar- titsin- ngitsut	Katillugit
Ilinniakkap qaffasissusaa	amerlassusaat					procentinngorlugit				
Inuussutissarsiornermi ilinniarneq	19	14	12	-	45	6,4	4,7	4,1	-	15,3
Angusanik qaffassaanerit	1	19	10	-	30	0,3	6,4	3,4	-	10,2
Ingerlariaqqiffiusumik ilinniarneq naatsoq	20	1	6	-	27	6,8	0,3	2,0	-	9,2
Bachelorinngorniarneq	35	-	11	-	46	11,9	-	3,7	-	15,6
Professionsbachelorinngorniarneq	39	-	15	-	54	13,2	-	5,1	-	18,3
Nalunaarsorsimannngitsut	-	-	-	93	93	-	-	-	31,5	31,5
Katillugit	114	34	54	93	295	38,6	11,5	18,3	31,5	100,0

Nalunaarut: Ilinniarnertuunngorniarneq ukiunik pingasunik siviussuseqartoq kisimi pineqarpoq.

Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<https://bank.stat.gl/UDNTRGU1>)

Tabel 2: Ilinniarnertuunngoreernermi ukiut marluk ingerlanerini ingerlariaqqiffiusumik ilinniakkanut ingerlaqqittut, ilinniakkap killiffia suaassuserlu malillugu; 2020-mi ilinniarnertuunngortut

	Ingerlat- sisut	Naam- mas- sinnissi- masut	Unit- sitsisut	Aallar- titsin- ngitsut	Katillugit	Ingerlat- sisut	Naam- mas- sinnissi- masut	Unit- sitsisut	Aallar- titsin- ngitsut	Katillugit
Angutit	amerlassusaat					procentinngorlugit				
Inuussutissarsiornermi ilinniarneq	8	6	7	-	21	7,2	5,4	6,3	-	18,9
Angusanik qaffassaanerit	1	5	3	-	9	0,9	4,5	2,7	-	8,1
Ingerlariaqqiffiusumik ilinniarneq naatsoq	4	1	4	-	9	3,6	0,9	3,6	-	8,1
Bachelorinngorniarneq	9	-	2	-	11	8,1	-	1,8	-	9,9
Professionsbachelorinngorniarneq	10	-	7	-	17	9,0	-	6,3	-	15,3
Nalunaarsorsimannngitsut	-	-	-	44	44	-	-	-	39,6	39,6
Katillugit	32	12	23	44	111	28,8	10,8	20,7	39,6	100,0
Arnat	amerlassusaat					procentinngorlugit				
Inuussutissarsiornermi ilinniarneq	11	8	5	-	24	6,0	4,3	2,7	-	13,0
Angusanik qaffassaanerit	-	14	7	-	21	-	7,6	3,8	-	11,4
Ingerlariaqqiffiusumik ilinniarneq naatsoq	16	-	2	-	18	8,7	-	1,1	-	9,8
Bachelorinngorniarneq	26	-	9	-	35	14,1	-	4,9	-	19,0
Professionsbachelorinngorniarneq	29	-	8	-	37	15,8	-	4,3	-	20,1
Nalunaarsorsimannngitsut	-	-	-	49	49	-	-	-	26,6	26,6
Katillugit	82	22	31	49	184	44,6	12,0	16,8	26,6	100,0

Nalunaarut: Ilinniarnertuunngorniarneq ukiunik pingasunik siviussuseqartoq kisimi pineqarpoq.

Najoqqutaq: Naatsorsueqqissaartarfik- Kisitsisaataasivimmi kisitsisit takukkit (<https://bank.stat.gl/UDNTRGU2>)

Periaaseq

Siunertaq

Kisitsisini paasisutissani matumani siunertaavoq ilinniarnertuutut naammassisimasut qanoq amerlatigisut ukiut 1-10 ingerlanerini ingerlariaqqiffiusumik ilinniakkanut ingerlaqqittarnerisa naammassinnittarnerisalu kisinneqarnissaat.

Nalunaarsuutit tunngaviusut

Piffissami 2003-miit ullumikkumut ilinniakkanik aallartitsisunut, ilinniakkanik ingerlatsisunut ilinniakkanillu naammassinnissimasunut nalunaarsuisarfiit tunngavigalugit kisitsisitigut paasisutissat suliarineqarput. Siornatigut ilinniarnertuunngorniarneq ukiumik ataatsimik sivisussuseqartoq inersimasunut ilinnialernissamut pikkorissarnertut ingerlanneqartartoq nalunaarsuutini tunngaviusuni ilanngunneqanngilaq.

Periaaseq

Ilinniarnertuunngorniarnermik naammassinnissimasut ukioq naammassiffigisimasaannit ukiut 1-10 qaangiunnerini ilinniakkamik aallartitsisimasut, naammassinnissimasut sulilu ingerlatsisut nalunaarsuisarfiini ataatsimut ingerlanneqarput.

Ilinniakkani ingerlaqqiffiusuni inuussutissarsiornermi ilinniakkatut assigisaannilluunniit qaffasissusillit kisimik naatsorsorneqarput. Taamaattumillu ilinniarnertuunngoreernermi inuussutissarsiornermi ilinniakkamik aallartitsinissamut tunngaviusumik ingerlatat piareersarlunilu pikkorissarnerit ilinniakkamik aallartitsinertut naatsorsuutini ilanngunneqanngillat.

Ukiut tamaasa ukiumi pineqartumi ilinniartut suli ilinniakkamik ingerlatsisutut imaluunniit ukiut kingulliit ilaanni ilinniakkamik naammassinnissimasutut killiffilerneqartarput. Ilinniartut suli ilinniakkamik ingerlatsisutut imaluunniit naammassinnissimasutut nalunaarsorneqarsimannigitsut "unitsitsisimasutut" killiffilerneqarput. Ilinniarnertuunngoreernerup kingorna ilinniakkamik aallartitsisimannigitsut "aallartitsisimannigitsutut" killiffilerneqarput.

Killiffiliinermut piffissaq

Ilinniarnertuunngorniarnermik naammassinnereernermi ukiut qaangiuttut amerlassusaannut atorneqarpoq, ilinniakkap killiffia 31. decembarimi naatsorsorlugu.

Ilinniakkap qaffasissusaa

Ilinniakkat qaffasissusaa International Standard Classification of Education 2011-meersoq malillugu immikkoortiterneqarput. Naatsorsueqqissaartarfiup ilinniartitaanerup iluani taaguutit pillugit saqqummersinnikuusaani ilinniakkami pineqartumi imaluunniit ISCED-i malillugu immikkoortiterinermi ilinniakkat suut pineqarnersut takuneqarsinnaapput. Taassuma saniatigut Naatsorsueqqissaartarfik Kalaallit Nunaanni ilinniakkat, ilinniakkap qaffasissusaa malillugu, immikkoortiternerat takussutissiaraa.

Taaguutit takussutissiarlu www.stat.gl –imi Ilinniartitaanermut tunngasut ataanni nassaarineqarsinnaavoq. Saqqummersitami kingullerpaami Periaatsimut immikkoortoq takuuk.

Ilinniakkap killiffia

Ukiup kisitsiviusup naanerani ilinniartup ilinniarnermi killiffianut atornerqarpoq. Ilinniakkap killiffiani naatsorsuutit atornerqartut tassaapput:

suli ingerlatsineq
naammassinnissimaneq
unitsitsisimaneq
aallartitsisimannginneq

Naatsorsuineq

Ilinniarnertuunngorniarnermiit ingerlariaqqiffiusumik ilinniakkanut ingerlaqqittut kisitsisitigut paasissutissaat ilinniarnertuunngoreernerup kingorna ukiut 1-10 qaangiunnerini suli ingerlatsisut, naammassinnissimasut, unitsitsisimasut imaluunniit aallartitsisimanngitsut amerlassusaattut naatsorsorneqarput.

Tabelit ilinniakkap aallartissimasap qaffasissusaannut, ilinniarnertuutut naammassiffinnut suaassutsinullu naatsorsorneqarput.

Killiliinerit erseqqissagassallu

”Unitsitsinermut” killiffimmi ilinniakkamik unitsitsigallartut ilaapput.

Kisitsisitigut paasissutissani ilinniarnertuunngorniarnermik naammassinnissimasut tunngavigineqarput. Kalaallit Nunaannit nuussimasut Kalaallit Nunaannilu ilinniagaqarnersiuteqartitsivik avaqqullugu ilinniagaqarsimasut “aallartitsisimanngitsunut” killiffimmi ilaapput.

Kisitsisaataasivimmi tabelini inuk ataaseq ataasiaannarluni naatsorsorneqarpoq. Tamanna ilinniakkap qaffasissusaani pineqartumi inuit tamakkerlutik ilaatinneqannginnerannik isumaqarpoq. Assersuutigalugu siornatigut inuussutissarsiornermik ilinniakkamik naammassinnissimasut ingerlariaqqiffiusumillu ilinniakkamik aallartitsisut, ingerlariaqqiffiusumik ilinniakkani “suli ingerlatsisutut” killiffilerneqarput. Taamatuttaaq siornatigut inuussutissarsiornermik ilinniakkamik naammassinnissimasut ingerlariaqqiffiusumillu ilinniakkamik unitsitsisut, inuussutissarsiornermik ilinniakkat ataanni “naammassinnissimasutut” killiffilerneqarput.

Ilisarnaatinut nassuiaatit:

... Paasisutissat pigineqanngillat

.. Paasisutissat tatiginanngitsut ilisarinnilersitsinnaasulluunniit

. Kisitsitaqarsinnaanngitsut

0 Affaanit mikinerusut

- Nul

* Kisitsisaagallartut imaluunniit missingersuut

Saaffiginniffissaq

Samo Nielsen

E-mail: snie@stat.gl


Ilinniartitaaneq

Naatsorsueqqissaartarfik

Postboks 1025 · 3900 Nuuk

Oqar.: +299 34 57 70

www.stat.gl · e-mail: stat@stat.gl



NAATSORSUEQQISSAARTARFIK
GRØNLANDS STATISTIK · STATISTICS GREENLAND
